

## **Mbeti ti Nzapa - Lust Scriptures**

**Exodus 15:9 Ouato a tene, Fade mbi touma ala, fade mbi ho ala, fade mbi kangbi ye sombi gbo na bira, Na nzala ti be ti mbi a sî na ye ni so, Fade mbi gboto épée ti mbi, fade mbi fa' ala.**

**Exodus 18:21 Na a lingbi mo kamata, na popo ti ajo, ambeni koli ti ngangou, ala so a kpe mbito ti Nzapa, ajo ti tene-biani, ala so a ke faïda sioni; na mo djia ala na ndo ajo ti ga ajo ti commandé; ambeni ti commandé ajo koutou oko koutou oko, ambeni ti commandé ajo ngbangbou oko ngbangbou oko, ambeni ti commandé ajo balioukou balioukou, na ambeni ti commandé ajo balioko balioko;**

**Exodus 20:14 A lingbi mo sala lango-sioni pepe.**

**Exodus 20:17 A lingbi be' a sala mo pepe tene ti da ti jo so a yeke ndoulou na mo; a lingbi be' a sala mo pepe tene ti ouali ti jo so a yeke ndoulou na mo, ouala mgbâ ti lo ti koli, ouala mgbâ ti lo ti ouali, ouala bagara ti lo, ouala lele ti lo, ouala mbeni ye oko pepe ti jo so a yeke ndoulou na mo.**

**Namoota 11:4 Na be' a sala aouande ti mara nde nde so a yeke na popo ti ala; na amelengue ti Israël a kiri a toto mbeni, ala tene, Fade jo gne a mou na ani gnama ti te.**

**Deuteronomy 5:21 A lingbi be' a sala mo pepe tene ti ouali ti jo so a yeke ndoulou na mo; a lingbi be' a sala mo pepe tene ti da ti jo so a yeke ndoulou na mo, ouala yaka ti lo, ouala mgbâ ti lo i koli, ouala mgbâ ti lo ti ouali, ouala bagara ti lo, ouala lele ti lo, ouala mbeni ye oko pepe ti jo so a yeke ndoulou na mo.**

**Deuteronomy 12:20 Tonga na L'Eternel Nzapa ti mo A sala si sesse ti mo a ga kota, legueoko tonga na Lo je na mo, na mo tene, Mbi ye ti te gnama; teti be ti mo a ye ti te gnama, mo lingbi te tonga na be ti mo a ye.**

**Deuteronomy 22:22 Tonga na jo a bongbi na ouali ti mbeni jo, a lingbi ala osse koue a koui, koli ni na ouali ni nga. Na legue so fade i lounguela sioye na popo ti ajo ti Israël.**

**Josué 7:21 na popo ti ye so ani gbo, mbi ba mbeni pendere bongo ti Sinéar, na sicle ti argent ngbangbou osse, na lingot ti l'or so nengo ni a yeke sicle balioukou, na be' a sala mbi teti ye so, na mbi kamata ye ni; mo ba, mbi honde ye so na sesse na ya tente ti mbi, na argent a yeke na gbe ni.**

**Psalme 10:3 Jo ti sioni a ya iri ti lo mveni na ye so be ti lo a ye, Na jo so be' a sala lo a ke L'Eternel, même lo zonga Lo.**

**Psalme 78:18 Ala handa Nzapa na be ti ala, Na legue ti houndango kobe so be ti ala a ye.**

**Psalme 78:30 Tonga na nzala ti ala a de a oue pepe, Na tonga na gnama ni a de na yanga ti ala,**

**Psalme 81:13 Tonga so Mbi djia ala goue na legue ti kpingba be ti ala, Si ala lingbi tambela na legue ti ouango ti ala mveni.**

**Psalme 106:14 Nzala ti sioye a sala ala mingui na yando, Na ala handa Nzapa na yando.**

**Psalme 119:36 Bian be ti mbi na tene ti témoïn ti Mo, Na djia be ti mbi a gui faïda sioni pepe.**

**Proverbe 1:19 Ajo so a yeke na nzala teti faïda, legue ti ala a yeke tonga so; Nzala so alounguela fini ti mveni ni.**

**Proverbe 6:25 Djia nzala ti pendere ti lo a sala be ti mo pepe, Na mo djia lo kamata mo pepe na legue so lo ko le ti lo;**

**Proverbe 15:27 Jo so be' a sala lo ti ouara faïda, lo sala ye ti ngangou na dati lo mveni, Mais jo so a ke ye ti vigno jo, fade lo ngba na fini.**

**Proverbe 21:25,26 Nzala ti ye nde nde a fa' jo ti goygoy, Teti maboko ti lo a ke ti sala koussala. 26 Mbeni jo a yeke so nzala ti ye a sala lo la koue, Mais jo ti mbilimbili a mou ye, na lo gbandji pepe.**

**Proverbe 28:16 Makounzi so a hinga nda ti ye pepe, lo yeke jo ti sala ngangou mingui na ajo nga, Mais jo so a ke faïda sioni, lo sala si la ti lo a ouou.**

**Esaïe 56:11 Biani, ambo ni so a yeke na nzala mingui, ala ouara kobe alingbi na ala pepe; ala yeke aberger so a hinga nda ti ye pepe; ala koue a goue na legue ti ala mveni, ala oko oko koue a gui ye ti ala mveni, ala koue a sala tonga so.**

**Esaïe 57:17 Ngonjo a gbo Mbi teti sioye ti guingo faïda sioni ti lo, na Mbi pika lo; Mbi honde lè ti Mbi, na ngonjo a gbo Mbi; mais lo djia legue ni na lo ngba ti goue na legue so be ti lo a ye.**

**Jérémie 6:13 Be' a sala ala koue, a commencé na akete jo juska na akota jo. Ajo koue a sala na legue ti ouataka, a commencé na prophète juska na sacrificateur.**

**Jérémie 22:17 Mais le ti mo na be ti mo a ye qui ye so: ti sala be', ti sa mene ti ajo ti mbilimbili, ti sala ngangou na ajo, na ti sala sioye ti ngangou.**

**Jérémie 51:13 O mo so mo douti na tele ti ngou mingui, mo so mo yeke na mossoro mingui, nda ti mo a si aoue, nda ti be' so a sala mo a si aoue.**

**Ezéchiel 6:9 Ajo ti i so a kpe, fade ala dabe ala na Mbi na popo ti amara na ndo so a goue na ala da na mgba, tonga na Mbi fa' be ti pitain ti ala, be so a djia Mbi, na le ti ala so a sala pitain na peko ti ayanda ti ala; fade ala ba ala mveni sioni na le ti ala mveni teti sioye so ala sala aoue na ye koue ti ala ti sioni mingui.**

**Ezéchiel 14:4,5 Teti tene so, mo sala tene na ala, mo tene na ala, Seigneur L'Eternel A tene tonga so, Ajo oko oko koue ti da ti Israël so a leke ndo na be ti ala teti ayanda ti ala, na ala djia sioye so ala pika guele ti ala da na gbele ala, na ala si na gbele prophète, fade Mbi, L'Eternel, Mbi kiri tene na ala na legue ti ayanda mingui ti ala, 5 si Mbi lingbi gbo be ti ajo ti da ti Israël, ala koue so a kangbi na Mbi na legue ti ayanda ti ala.**

**Ezéchiel 22:12 Na ya mo, ala kamata ye ti vigno jo ti sa mene; mo kamata faïda na mbeni ye na ndo koda; na legue ti nzala ti mo mingui, mo sala**

**ngangou na jo so a yeke ndoulou na mo ti kamata ye ti lo, na mo glissa Mbi, Seigneur L'Eternel A tene.**

**Ezéchiel 33:31 Ala yeke mingui so a si na mo, na ala douti na gbele mo tonga na ajo ti Mbi, na ala ma tene ti mo, mais ala sala na legue ti tene so pepe; teti ala sala tene ti ndoye mingui na yanga ti ala, mais be ti ala a goue na peko ti faïda ti ala.**

**Osée 4:12 Ajo ti Mbi a hounda ouango-tene na keke, na keke ti ala a kiri tene na ala; teti yingo ti ye ti pitain a sala si ala goue kirikiri, na ala djia legue ti Nzapa ti ala ti sala pitain.**

**Osée 5:4 Koussala ti ala a kanga legue ti ala si ala lingbi kiri na Nzapa ti ala pepe, teti yingo ti ye ti pitain a yeke na ya ala, na ala hinga L'Eternel pepe.**

**Michée 2:2 Be' a sala ala tene ti yaka ti ajo na ala kamata yaka ni, be' a sala ala tene ti da ti ajo na ala gbo da ni. Ala sala ngangou na jo na ajo ti da ti lo, ala sala ngangou na jo na ye ti héritier ti lo.**

**Nahum 3:4 Ye so a si tene ti ye ti pitain mingui mingui ti ouali ti pitain ti ndjo tele, mveni ti yolo, so a ka amara na legue ti ye ti pitain ti lo, na akete mara na legue ti yolo ti lo.**

**Habakuk 2:9 Voundou a ga na jo so a kamata faïda sioni teti da ti lo, ti sala da ti lo na ndouzou tonga na ndeke, si ye ti sioni a lingbi gbo lo pepe.**

**Matthieu 5:28 Mais Mbi tene na i, tonga na mbeni koli a ba ouali, na nzala ti ouali so a sala lo, na ya be ti lo, lo sala lango-sioni na ouali so auoe.**

**Marc 4:19 mais guingo-be tene ti aye ti sesse so, handa ti mossoro, na nzala ti ambeni ye, a li na be ti ala na a gbandji Tene ni si a le' pepe.**

**Marc 7:22 nzala ti ouara ye, sioye, handa, nzala ti aye ti mi-tele, be', zonga, fandara, na tene ti bouba.**

**Luc 3:14 Atourougou nga a hounda lo, Ti ani, fade ani sala gne. Lo tene na ala, I kamata ye ti jo na ngangou pepe, i clamé jo na ouataka pepe, na i douti na nguia na fouta so i ouara.**

**Luc 12:15 Na Lo tene na ala, I bata ndjoni, i sala sinziri, si be' a sala i pepe, teti aye mingui mingui so a yeke na jo a sala pepe si lo douti ndjoni na ya fini ti lo.**

**Luc 16:14 Tonga na Apharisen a ma tene so koue ala he Jésus teti ala ndoye nguinza.**

**Jean 8:44 I yeke ti baba ti i djabalo, na i ye ti sala ye so baba ti i a ye. Lo yeke ouafa'ngo-jo guiriri kodjoni. Na lo douti na ya tene-biani pepe, teti tene-biani a yeke na ya lo pepe. Tonga na lo tene vene, lo sala tene ti be ti lo mveni, teti lo yeke ouavene na baba ti aouavene.**

**Acts 20:33 Be' a sala mbi pepe tene ti bongo ouala argent ouala l'or ti mbeni jo.**

**Aromain 1:24-29 Teti so si Nzapa A mou legue na ala ti sala sioye alingbi na nzala ti be ti ala, ti sala ye ti kamela na tele ti ala na popo ti ala. 25 Ala djia tene ti vene na place ti tene-biani ti Nzapa, ala sambela na ala sala**

**na aye so Nzapa A crée mais ala sambela na ala sala na Nzapa pepe, Lo so A crée aye ni, Lo so A ouara yango-iri la koue la koue! Amen.** 26 Teti so si Nzapa A mou legue na ala ti sala aye ti sio nzala ti ala. Aouali ti ala a djia legue ti koli na ouali, ala sala aye so a yeke na legue ni pepe. 27 Akoli nga a djia legue ti aouali, na nzala ti afo ala akoli a sala ala tonga na oua. Akoli a sala aye ti kamela na akoli, na ala ouara founta na ya tele ti ala alingbi na kirikiri ti ala. 28 Teti ala ke Nzapa na ala ye ti hinga Lo mbeni pepe, Nzapa A mou legue na ajo so ti bi be ti ala na aye so a yeke na legue ni pepe, na ti sala aye so a yeke ndjoni pepe. 29 Be ti ala a sî na aye koue ti kirikiri, sioye, be', siobe. Be ti ala a sî na tene ti be', tene ti fa'ngo-jo, papa, handa, be-ti-ke.

**Aromain 6:12 Tonga so i djia siokpari a commandé pepe tele ti i so fade a koui, ti sala si i ye da na anzala ni.**

**Aromain 7:7 Tonga so fade ani tene gne. Ndia a yeke sioni? Kete pepe!** Tonga na Ndia a fa siokpari na mbi pepe, ka mbi hinga siokpari pepe. Teti, tonga na Ndia a tene pepe: A lingbi be' a sala mo pepe, ka' mbi hinga tene ti be' pepe.

**Aromain 13:9 A lingbi mo sala lango-sioni pepe, A lingbi mo fa' jo pepe, A lingbi mo sala ndji pepe, A lingbi be' a sala mo pepe.** A commandement so na ambeni commandement koue a yeke na ya commandement oko so, A lingbi mo ndoye jo so a yeke ndoulou na mo legueoko tonga na mo ndoye mo mveni.

**Aromain 13:14 Mais i you Seigneur Jésus-Christ, na i bi be ti i pepe na anzala ti mi-tele.**

**1 Corinte 5:10,11 mais mbi tene pepe i tambela pepe na ajo ti pitain ti sesse so, ouala ajo so be' a sala ala, ouala ajo so a gbo ye na ngangou, ouala ajo so a sambela ayanda; ouala tonga na a yeke tonga so, fade a yeke mbanga ti i ti djia sesse so.** 11 Mais mbi tene na i fade so, tonga na mbeni jo a yeke, so ala iri lo ita na ya Christ, na lo yeke jo ti pitain, ouala jo so be' a sala lo, ouala jo so a sambela ayanda, ouala ouazonga, ouala mgba ti samba, ouala jo so a gbo ye na ngangou, i tambela na jo so pepe, même ti te kobe na jo tonga so pepe.

**1 Corinte 6:9,10 I hinga pepe? fade ajo ti kirikiri a ga ahératier ti royaume ti Nzapa pepe.** I handa tele ti i pepe; ajo ti pitain, ajo ti sambela ayanda, ajo so a sala lango-sioni, ajo so a sala ye ti kamela na tele ti ala na popo ti ala, akoli so a sala lango-sioni na mbeni koli, 10 aouandji, na ajo so be' a sala ala, amgba ti samba, ouazonga, na ajo ti gbo ye na ngangou, fade ajo tonga so a ga ahératier ti royaume ti Nzapa pepe.

**1 Corinte 10:6 Na ye so a ga fâ teti ani, si nzala ti sioye a sala ani pepe legueoko tonga na a sala ala.**

**1 Corinte 12:31 Mais i djia be ti i ti qui matabissi nde nde ti ndjoni aho. Mais mbi fa na i mbeni legue so a yeke ndjoni aho.**

**1 Corinte 14:39 Teti tene so, a-ita ti mbi, i djia be ti i na fango-tene na iri ti**

**Nzapa, na i kanga legue na ajo pepe ti sala tene na yanga nde nde.**

**2 Corinte 9:5 Tonga so a ba ndjoni na le ti mbi ti hounda a-ita so ti si na i kodjoni, ti leke matabissi ti i kodjoni, matabissi so i mou jendo ni guiriri; tonga so i lingbi leke matabissi so na legue so be ti i a ye, si a ga ye ti forcé pepe.**

**Galatie 5:16-20 Mais mbi tene, i tambela na legue ti Yingo, na fade i sala ye ti nzala ti mi-tele pepe. 17 Teti mi-tele a ke Yingo, na Yingo a ke mi-tele; ala osse so a ke tele ti ala; tonga so, ye so i ye ti sala, i lingbi sala pepe. 18 Mais tonga na i tambela na legue so Yingo A fa na i, i yeke na gbe ti Ndia pepe. 19 Ajo koue a hinga koussala ti mi-tele a yeke so: lango-sioni, sioye, ye ti pitain, 20 sambelango-ayanda, tene ti yolo, kengo-tele, guingo-tene, salango-manda, ngonjo, papa, tene ti kangbi, tene ti secte nde nde, Galatie 5:24 Ala so a yeke ti Christ Jésus, ala fa' mi-tele na keke-ti-croix, na nzala koue ti mi-tele, na ye so mi-tele a ye.**

**Ephesie 2:1-3 Lo mou fini na i so i koui guiriri na legue ti kengo-ndia nalegue ti siokpari ti i, 2 so i tambela da guiriri na legue ti sesse so, na legue ti makounzi ti angangou ti ndouzou, yingo so a yeke sala na ya amelengue ti ajo so a ke tene. 3 Guiriri, na legue ti nzala ti mi-tele ti ani, ani koue a douti na popo ti ala so nga, ani sala ye so mi-tele na bibe a ye; na legue ti doungo ti ani, ani yeke amelengue ti ngonjo, legueoko tonga na atanga ni.**

**Ephesie 4:19 kamela a sala ala mbeni pepe, ala mou tele ti ala ti sala ye ti pitain, na ti sala sioye koue teti be' ti ouara ye a sala ala.**

**Ephesie 4:22-27 I djia legue ti i ti guiriri, jo-ti-guiriri so a yeke fouti na legue ti nzala so a handa lo; 23 i kiri i ouara bibe ti fini na ya yingo ti i, 24 na i you jo-ti-fini, lo so A créé lo na legue ti Nzapa na ya mbilimbili na ndjoni-koue ti tene-biani. 25 Teti tene so, i djia vene, i koue i sala tene-biani na ajo so a yeke ndoulou na i; teti ani oko oko koue a yeke amembre ti ambeni. 26 Tonga na ngonjo a gbo i, i bata si i sala siokpari pepe; i djia la a koui na i na ngonjo na be ti i pepe, 27 na i djia ndo na djabalo pepe.**

**Ephesie 5:3 Mais a lingbi i sala tene ti ye ti pitain pepe, ouala tene ti sioye, ouala tene ti be', na i di iri ti ye so na popo ti i pepe, teti ye so a yeke ndjoni pepe na popo ti ajo ti be-voulou;**

**Ephesie 5:5 Teti i hinga ye so biani, jo ti pitain, jo ti sioni, na jo so be' a sala lo, so a yeke jo ti sambela ayanda, ajo tonga so a lingbi ga ahératier ti royaume ti Christ na ti Nzapa pepe.**

**Colosse 3:5 Tonga so i sala si amembre ti tele ti i so a yeke na sesse so a koui: ye ti pitain, sioye, nzala ti tele kirikiri, nzala ti sala sioni, na salango-be' so a yeke sambelango ayanda;**

**1 Thessalonique 2:5 Teti i hinga, ani sala tene ti gonda jo na handa la oko pepe, ouala tene ti mayele ti ouara ye; Nzapa A yeke témoin;**

**1 Thessalonique 4:3-7 Teti so a yeke ye so Nzapa A ye, ti bata i nde teti Lo mveni, si i ke ye ti pitain; 4 si ajo oko oko koue na popo ti i a hinga legue ti ho nzala ti tele ti lo mveni, na legue ti bata ta ti lo nde teti Nzapa tonga**

**na ye ti voro, 5 mais na legue ti nzala ti sala sioni pepe, tonga na ye so Agentil so a hinga Nzapa pepe a yeke sala, 6 si jo oko a ke ndia pepe ti sala ndji na ita ti lo na ya ye so; teti Seigneur A yeke Jo ti founta koula ti ye so koue, legueoko tonga na ani tene na i kodjoni, na ani oua i nga. 7 Teti Nzapa A iri ani teti sioye pepe, mais ti bata tele ti ani nde teti Lo mveni.**

**1 Timothée 3:3 lo mgba ti vin pepe, lo jo ti pika jo pepe; mais a lingbi lo yeke na ndjobe, lo gui tene pepe, lo ndoye nguinza pepe,**

**1 Timothée 3:8 Tonga so nga, a lingbi adiacre a douti na donji, ala ajo ti yanga osse pepe, ala amgba ti vin pepe, a lingbi ala yeke na nzala pepe ti ouara faïda sioni;**

**1 Timothée 6:9,10 Mais ala so a ye ti ouara mossoro, ala ti na ya ye ti handa, na son, na nzala nde nde ti bouba ye na ti ye so a mou voundou, ye so a bi ala na ya ye so a fouti ala, na a bi ala na ndo-ti-oua. 10 Guele ti sioye koue a yeke ti ndoye nguinza; na legue ti guingo-nguinza, ambeni jo a goue kirikiri, ala djia legue ti mabe, na ala kpo tele ti ala mveni na ye ti voundou nde nde.**

**2 Timothée 2:22 Mais mo kpe legue ti nzala nde nde so a sala apendere, na mo gui legue ti ouara ye so: mbilimbili, mabe, ndoye, na siriri, legueoko na ala so a sambela Seigneur na be so a yeke na sioni oko pepe.**

**2 Timothée 3:2 Teti fade ajo a yeke ajo ti ndoye tele ti ala mveni, ajo ti ndoye nguinza, ajo so a ya iri ti ala mveni, ajo ti kpingba li, aouazonga, ajo so a ke yanga ti mama na baba ti ala, ajo so a mou merci pepe, ajo so a yeke ndjoni pepe,**

**2 Timothée 3:6 Teti na popo ti ajo so ambeni a yeke so a hara na ya da, ala sala si abouba ouali so a yo siokpari mingui a ga amgba, aouali so nzala ti tele nde nde a sala ala,**

**2 Timothée 4:3 Teti la ni a yeke ga so fade ala ye ti ma ndjo tene pepe; mais, teti me ti ala a sara ala, fade ala iri amaître mingui na legue ti nzala ti ala mveni ti fa tene na ala;**

**Tite 2:12 a fa legue na ani ti ke ye so a ke Nzapa, na ti ke nzala ti ye ti sesse, si ani bata tele ti ani, na ani sala mbilimbili, na ani bata tene ti Nzapa na ngoy so;**

**Tite 3:3 Teti guiriri ani yeke aouabouba nga, ani ke tene, ani ma handa, ani sala mgba na nzala ti tele nde nde na nguia nde nde, ani douti na siobe na be' a sala ani, ajo a ke ani, na ani ke tele ti ani na ambeni jo.**

**Ahébreu 13:5 I djia ndoye ti nguinza a commandé tambela ti i pepe. A lingbi be ti i a douti ndjoni na aye so a yeke na i, teti Nzapa A tene, Fade Mbi djia mo pepe, fade Mbi ngba na mo la koue.**

**Jacques 1:14,15 Mais a yeke nzala ti tele ti jo ni mveni si a handa lo na a gbo lo. 15 Na ndani, tonga na nzala so a me ngô aoue, a dou siokpari. Tonga na siokpari a ga kota aoue, a dou koui.**

**Jacques 4:1-5 Bira na tiri so a yeke na popo ti i a loundou na ndo oua.**

**Aloundou na nzala ti tele ti i so a sala bira na ya amembre ti i. 2 Nzala ti ye a gbo i, na i yeke na ye ni pepe. I fa' jo, na be' a sala i. I lingbi ouara ye pepe, tonga so i tiri na i sala bira. I yeke na ye pepe teti i hounda pepe. 3 I hounda, na i ouara pepe, teti i hounda na legue ni pepe, na i ye ti ouonje ye ni na nzala ti tele ti i. 4 I ajo ti sala lango-sioni, i hinga pepe? jo so a sala ndeko na sesse so a yeke ke Nzapa. Tonga so jo so a ye ti ga ndeko ti sesse so, lo sala si lo mveni a ga ouato ti Nzapa. 5 Ouala be ti i a tene Mbeti ti Nzapa a sala tene so sengue? Yingo so Nzapa A to Lo ti douti na ya ani A yeke na nzala ti commandé ani.**

**1 Pierre 1:14 I sala tonga na amelengue so a ma yanga, i tambela pepe na legue ti nzala ti tele ti i so i tambela da na la ni so i de i hinga ye pepe.**

**1 Pierre 2:11 I so mbi ndoye i mingui, mbi hounda i mingui, i aouande na ajo ti legue, i ke anzala ti tele so a sala bira na a-âme ti i.**

**1 Pierre 4:2-4 Tonga so, na tanga ti ngoy ti lo na ya tele, jo so a tambela mbeni pepe na legue ti anzala ti tele, mais na legue ti ye so Nzapa A ye. 3 Teti ngoy ti salango ye so Agentil a ye a ho aoue, ngoy ti tambela na legue ti ye ti pitain, ti anzala ti tele, ti gnongo-vin, ti poumba kirikiri, ti gnongo-samba, na ti sambelango-ayanda na legue so a ke ndia. 4 Be ti ala a gui ala teti i tambela legueoko na ala pepe ti sala sioste mingui so ala sala, na ala zonga i.**

**2 Pierre 1:4 Na legue ti aye so, Lo mou na ani ajendo ti Lo, ajendo so nguele ni a yeke ngangou na a yeke kota mingui. Lo mou ajendo so, si i lingbi ga afo Nzapa, na i lingbi kpe aye ti foute so a yeke na sesse so, aye so a ga na legue ti nzala ti tele.**

**2 Pierre 2:3 Teti nzala ti ouara ye a gbo ajo so, fade ala sala na legue ti tene ti handa si i ga ye ti nguele. Mbanga so A fa' na li ti ala guiriri a ngba, na foutingo ala a de a oue pepe.**

**2 Pierre 2:9-19 Seigneur A hinga legue ti dji ajo na ya ye so a tara ala so a kpe mbito ti Nzapa, na Lo hinga legue ti bata ajo ti kirikiri na gbe ti mbanga juska la ti fa'ngo-mbanga. 10 Mingui aho, Lo hinga legue ti bata na gbe ti mbanga ajo so a tambela na peko ti sio nzala ti tele na ti sioste, na ala ke yanga ti ajo ti commandé. Ala yeke na mbito pepe, li ti ala a kpingba, na tele ti ala a do pepe tonga na ala zonga agloire. 11 Mais a-ange, kamême ala lingbi sala ye aho ajo so, na ala ho ala na ngangou, ala zonga na ala clamé agloire so na gbele Seigneur pepe. 12 Mais ajo so a zonga aye so ala hinga pepe, ala yeke tonga na agnama so bibe ti ala a yeke pepe, so a dou ala si ajo a gbo ala na a fa' ala. Fade ajo so a koui biani na ya ye so ala sala ti foute ye. 13 Fade ala ouara foute ti ye ti kirikiri ti ala. Ala ouara nguia ti ala na legue ti salango poumba kirikiri so ala sala na kota la. Ala yeke saleté na sioste, ala ouara nguia ti ala na legue ti handa tonga na ala yeke te kobe na i. 14 Le ti ala a sî na ye ti pitain na a lingbi djia siokpari pepe. Ala handa a-âme so a kpingba pepe. Be ti ala a sî na nzala ti ouara ye. Ala yeke amelengue so a zonga ala**

**aoue! 15 Ala djia legue ti mbilimbili, ala goue kirikiri aoue. Ala goue na legue ti Balaam melengue ti Béor, lo so a ndoye founta ti ye ti kirikiri. 16 Mais A djingo na lo teti siokpari ti lo. Lele, so a lingbi sala tene pepe, a sala tene na yanga ti jo, na a gbandji legue na prophète ni si lo sala boubou ye pepe. 17 Ajo so a yeke li-ngou so ngou a yeke da pepe, na ala yeke mbinda so poupou ti ngangou a ho na ala. A bata bingo so a voko pitipiti teti ala. 18 Na legue ti bâbâ mingui na tene sengue, ala handa ajo na legue ti nzala ti tele, na ti ye ti pitain, ala handa ajo so a kpe gui fade fade so na ti ti ala so a tambela na legue ti tene kirikiri. 19 Ala je ti mou liberté na ajo so, kamême ala mveni a yeke amgba ti aye so a founti ala. Jo a yeke mgba ti ye so a ho lo na ngangou.**

**2 Pierre 3:3 A lingbi i hinga ye so kodjoni: na la ti nda ni, fade ajo ti he a ga na tene ti he, fade ala tambela na legue ti nzala nde nde ti tele ti ala mveni.**

**1 Jean 2:15-17 I ndoye sesse so pepe, ouala ye so a yeke na sesse so. Tonga na mbeni jo a ndoye sesse so, ndoye ti Baba a yeke na ya lo pepe. 16 Teti ye koue so a yeke na sesse so, nzala ti tele, nzala ti ouara aye so le a ba, na fandara ti jo ti sesse so, a loundou na Baba pepe, mais a loundou na sesse so. 17 Sesse so na nzala ni koue a yeke ho, mais jo so a sala ye so Nzapa A ye, lo douti la koue la koue.**

**Jude 1:11 Voundou a ga na ala! Teti ala goue na legue ti Caïn, ala kpe fade fade na legue ti tene kirikiri ti Balaam ti ouara founta, na ala koui na legue ti kengo-tene ti Koré.**

**Jude 1:15-19 ti fa' mbanga na li ti ajo koue. Lo ga ti fa na ajo koue so a ke Nzapa koussala koue so ala sala ti ke Nzapa, koussala so ala sala na legue ti be so a ke Nzapa. Na Lo ga ti fa na ala tene koue ti ngangou so aouasiokpari so a ke Nzapa a tene ti ke Lo. 16 Ajo so a yeke ajo ti demango-tele, ala dema tele tene ti ye koue so a si na ala. Ala tambela na peko ti nzala ti tele ti ala, ala sala kota tene ti bâbâ, na ala gonda ajo na handa ti ouara faïda. 17 Mais i so mbi ndoye i mingui, i dabe i na tene so abazenguele ti Seigneur ti ani Jésus-Christ a tene guiriri. 18 Ala tene na i, Na la ti nda ni, fade ajo ti he a yeke, fade ala tambela na legue ti nzala nde nde ti tele ti ala, nzala so a ke Nzapa. 19 Ala si a kangbi i teti ala yeke ajo ti sesse, ala yeke na Yingo pepe.**

**Revelation 18:14 Aye so âme ti mo a ye mingui a ho aoue, na aye koue ti mo ti mossoro na ti pendere a miro aoue, na fade mo kiri mo ouara aye so la oko pepe.**